



UNIVERSITÄTS-
BIBLIOTHEK
PADERBORN

**R.P. Leonardii Lessii E Societate Iesv Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censbris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 4. Quotuplex sit conscientia.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

118 Quæst. 19. De bonit. & malit. actus int. volun. A. 6. Dub. 3. 4. 5.

Obiectio-
nes solu-
ntur.

Dices Primo, fieri potest ut quis aliquid velit contra conscientiam, nec tamen apprehendat aliquam specialem rationem mali; ut si quis proponat male agere in genere: ergo non est verum quod ait D. Thomas; ac proinde tale peccatum non habebit specialem malitiam.

Respondeo, Dicendum Thomam loqui de eo, qui aliquid exterius contra conscientiam operatur: et si enim possum velle malum in genere, non tam possum malum in genere operari: talis autem volitus mali in genere habebit suam malitiam ex obiecto in genere considerato; erit tamen hec malitia non generica, sed specifica, et si ad nullam speciem particularium vitiorum pertineat. Sicut amor honesti in genere, habet peciale bonitatem, quæ tamen ad nullam particularem virtutem sit adstricta.

Dices Secundo, Interdum peccamus contra conscientiam dictantem id quod facimus esse peccatum, non cogitantes interdum an si peccatum mortale, an veniale, sed tantum in genere esse peccatum: quale peccatum est?

Respondeo Primo, Si dubitamus actu vtrum sit peccatum veniale, an mortale quod facimus, & tamen facimus; est peccatum morale. Ratio est, quia sic operans, voluntariè se exponit periculo peccati mortalis.

Secundò, Si non occurrat vlla dubitandi ratio, sed solum in genere putemus esse malum; tunc vel conscientia errat, vel non errat: si non errat, et quod reuerà opus sit malum; tunc iudicandum est ex materia, quale sit peccatum: si enim materia sit grauis, erit peccatum mortiferum illud facere; vt si quis circa se, vel alium turpem habeat contactum causâ volupatis, sciens id esse peccatum, nesciens tamen vel non cogitans an sit veniale an mortale; peccat mortiferè: quia materia illum obligabat ad diligenterem considerationem, & etiam sui conditione eum ad hoc excitabat. Si autem materia sit leuis, solum peccat venialiter. Similiter si conscientia dictans esse peccatum, erret; erit solum peccatum veniale, vt rectè docet Nauarrus preludio 9. num. 9. Ratio est, quia conscientia non proponit illud, nisi vt malum in genere: ergo voluntas acceptans, non contrahet nisi malitiam eam, quæ satis sit ad generalem rationem peccati: ergo solum veniale; hæc enim sufficit ad rationem peccati, nam ratione materiæ, cum non sit mala, nihil contrahet malitiam. Nec obstat quod is, qui sic operatur, videatur se exponere periculo peccati mortalis ex modo operandi; quia reuerà se non exponit periculo ex modo, sic operandi absolute, sed ex modo operandi sic in graui materia.

Dico Tertiò, Peccatum contra conscientiam commissum, non est duplex peccatum, nec habet duplum malum speciem; aliam vt est contra conscientiam, aliam vt est contra aliquid præceptum particulare.

Probatur Primo, Quia esse contra conscientiam, non est aliqua species mali, sed solum est quedam circumstantia nonnihil aggravans peccatum intra propriam suam speciem, eo quod efficiat illud magis voluntarium.

Probatur Secundò à priori. Quia conscientia non se habet per modum obiecti respectu voluntatis, sed solum per modum applicantis obiectū; est enim actus intellectus proponens obiectū sub

ratione præcepti, vel vetiti; boni vel mali, vnde per se non tribuit actui bonitatem vel malitiam, sed solum ratione obiecti, quod per conscientiam vt bonum vel malum, præceptum vel veritum proponitur.

Confirmatur, Quia actus bonus non habet duplum bonitatem, ex eo quod sit conformis conscientiæ, & objecto honesto; quia hæc duo habent se per modum vnius boni, & vnius regulæ: ergo opus malum non habet duplum malitiam, eo quod sit contra conscientiam, & contra bonum honestum, vel legem diuinam; quia hæc duo se habent instar vnius boni, & vnius regulæ à qua disceditur. Pari modo obiectum turpe, & iudicium quo aliquis iudicat faciendum illud, quia delectabile, non sunt duo mala, sed unum applicatum voluntari ad prosequendum.

Dices ex Adriano. Qui facit bonum contra conscientiam, quia putat illud esse malum, vel quia dubitat an sit malum, peccat, quia contra conscientiam facit: ergo qui facit malum, sciens esse malum, peccabit dupli ratione, facit enim quod verè malum est, & facit contra conscientiam. Confirmatur, quia malitia quam actus habet ex obiecto, non impedit malitiam, quæ oritur ex eo, quod sit contra conscientiam.

Respondeo Negando consequentiam; quia vtrōque est tantum vna ratio mali, quam voluntas acceptat: qui enim facit bonum, putans esse malum, sua apprehensione & conscientia apponit nouam malitiam obiecto, & illud cum illâ malitia acceptat: qui autem facit malum, sciens esse malum, non apponit obiecto nouam malitiam, sed cognoscens eam quæ inerat, acceptat obiectum. Itaque hic non est nouum peccatum ex eo quod fiat actus contra conscientiam; quia conscientia non apponit aliam malitiam obiecto, quam ea quæ re ipsa inest: ibi verò est nouum peccatum; quia conscientia apponit obiecto malitiam, quæ ipsi non inerat. Eamdem autem vim habet obiectum ad inficiendam voluntatem, sive in re malum sit, sive in apprehensione. Ad Confirmationem. Conscientia hic non addit nouam malitiam, & ideo non est duplex peccatum.

D V B I V M I V.

Quotuplex sit conscientia?

R Espondeo. Est quintuplex. Recta, Erronea, Dubia, Probabilis, Scrupulosa.

Recta vocatur, quando iudicium est verum.

Erronea, Quando fasum.

Dubia, Cùm neutri paci determinate assentiuntur, rationum inopinat pendentes animi.

Probabilis, Cùm alteri parti assentimur ducti ratione vel auctoritate; tamen cum formidine de opposito: vel quando vtraque pars est probabilis.

Scrupulosa, Cùm leibus rationibus suspicimur aliquid esse prohibitum, vel præceptum.

D V B I V M V.

Verum voluntus que consentit conscientia erranti, aliquando sit bona?

R Espondeo & Dico Primo, Si error conscientiae sit culpabilis, voluntas conscientis Error culpabilitatis non